

ԳՐԱԴԱՐԱՆՈՒԹԻՒՆ,

ԱՄՍԵՆԱԳԻՏՈՒԹԻՒՆ

ԳԻՐՔ ԲԱՐԻ ՎԿԱՅՈՒԹՅՈՒՆՆԵՐԻ

Նորոգիր քո ճամփան, նորից առաջ գնա:
Մկրտիչ Սարգսյան

Ընդհանրական այս վերնագիրը ծնվեց, երբ վերստին նայեցի «Նայասարան» հրապարակչության լույս ընծայած «**Դու անկործան վանք կմնաս**» («Նայասարան», հրատ. 2011) ժողովածուն, որ կոչված էր ամփոփելու մարդ եւ քաղաքացի, զինվոր եւ զավակ, մրաժող եւ գրող Մկրտիչ Սարգսյանի կյանքի ու գործի շուրջ եղած գնահատանքի խոսքերը, կարծիք-մտորոմները: Թեև դիմում էր որպես ժամանակակիցների հիշողությունների ամփոփագիր, սակայն ամենայն իրավամբ կարող էինք այն համարել գիրք ճանապարհի ճանաչողության: Ըստ Աստուծո խոսքի, որսնդ երկու կամ երեք հոգի մեկտեղ դավանելիս լինեին, Աստված ներկա էր: Այնպես որ, հիշյալ ժողովածուն ընթերցողին հաղորդակից էր դարձնելու ոչ թե այս աշխարհ եկած եւ մեկընդմիջ գնացածին, ընդամենը հուշ ու հիշողություն դարձածին, այլ նրան, ով կյանքից կյանք էր անցել՝ շարունակելով մնալ երկրային երթի մեջ: Սա այսպես լինելու էր, որովհետև ոչ միայն հիշելու, պարմելու, այլև կարողելու, կանգնելու էին՝ շարունակելով երբեմնի ընդհատված խոսակցությունը: Ոչ միայն իրենք էին խոսելու, այլև խոսեցնելու էին իրենց ընդունած, հարգած, սիրած մարդուն ու գրողին: Ոչ մեկի մարքով չէր անցնելու բարձրացնել, մեծարել կամ ինչ-ինչ կերպերով հաճոյանալ նրան, որ այլևս ֆիզիկապես ներկա չէր: Նախորդակցությունը հոգիների միջև էր, իսկ հոգին հոգու հետ անկեղծ լինելու էր: Բացի այդ, Աստծո շնորհ-բնությունը կրողը բարձրացնելու եւ մեծարելու կարիքը չէր ունենալու: Մինչդեռ բարին պետք էր, բարի մարդու հոգեւոր ներկայության մեջ գալու կարիքն զգալու էինք: Ահա այս մղումով էլ կազմվելու էր ժողովածուն: Այս մղումն ունենալու էր վկայող ամեն ոք:

Մեր շուրջը, մեր մեջ, բազում խելոքներ ու խելացիներ, ճշմարիտներ, ճշմարտախոսներ ու նաեւ արդարամիտներ եղել են ու կան: Բայց արի քեզ, ինչպես ընտրյալները, այնպես էլ բարիները սակավ էին երեկ ու սակավ են այսօր: Մարդն ի սկզբանե ունեցել էր եւ հավիտյան ունենալու էր բարության ծաղիկը: Վահան Տերյանը, օրինակ, ժամանակին շատ ու շատ բաների փութք փալու էր՝ հանուն ազգային խնդրի, հանուն հոգեւոր

արժեքների պահպանման և հանուն Նայասարանի ու հայ ժողովրդի հարապետման: Ազգը ժամանակի անոթոշ ու անհուսալի վիճակից դուրս բերելու համար, գնալով ինքնագոհության, մտնելու էր «**Յուրա հոկաբմբերի**» լծի փակ, հայտնվելու և գործելու էր իր հոգուն անհարիր փողերում էլ: Զգալով խաբված լինելը, զգալով նաև մոտավոր մահը, իր երանության փափագը հայտնելու էր. «**Բարի հիշեք ինձ ձեր սրտում, մնաք բարով, մնաք բարով**»: Տերյանը, փեսեր, թախանձանքի հետ իր մաղթանքը ևս փալու էր. «**Մնաք բարով, մնաք բարով**»: Ինչ խոսք, մնաք բարով, ասել էր թե՛ բնությունը բարի մնաք, բարության մեջ մնաք, աստվածային մնաք, Աստված ձեզ հետ լինի: Կարծում եմ, խնդրո առարկա ժողովածուի հեղինակները բարի մնացածներ էին: Նրանք, միմյանցից անկախ, քաղելով ու փնջելով հիշողության դաշտի ծաղիկները և հաղորդակից դառնալով Մկրտիչ Սարգսյան մարդու աստվածային գրեթե անխաթար էությանը, հայտնվելու էին մեկ այլ աշխարհում, որտեղ ոչ նախանձ և ոչ փրփունջ էր լինելու, ոչ փանջանք և ոչ հոգնություն: Պարզապես ամեն մեկի մտքի և զգացման պահը՝ կուզես հիշողություն համարիր, կուզես համարիր առնչություն, հավերժանալու էր: Նրանք մտնելու էին իրենց գործընկերոջ հանգստի ու խաղաղության մեջ: Դա այդպես լինելու էր, քանի որ ոչ թե նստելու էին սրեղծագործական սեղանի առաջ, այլ վեր էին կենալու և խոստովանանքի կանգնելու լուռ ու անհար հոգով: Անշուշտ, երեսակայության գիրկն ընկնելով գրելը մի բան էր, հոգուն հաղորդակցվելը՝ մեկ այլ բան: Գրելը գիտություն էր, հաղորդակցվելը՝ հայտնություն: Ահա թե ինչու բոլորը միմյանց նմանվելու և մի մտքի էին հանգելու: Նրաշալին այլ կերպ չէր. փարբեր սերունդների, նախասիրությունների, փարբեր ժանրերի ներկայացուցիչներ, թող թույլ փրվի ասելու, բնությամբ կամեցողներ ու համեմատաբար չկամ-չմահավաններ, առանձին-առանձին, իրենց սրտերի խորքերում սեր էին փածելու մեկի հանդեպ, որն այլևս իրենց կողքին չէր: Պարզապես պարզ էր. Մկրտիչ Սարգսյան մարդ-պաշտոնյան, մարդ-ընկերը, մարդ-գործիչ-գրչակիցը իր երկրային կենդանությանը սրտով ու ճշմարիտ սիրով պահել, սիրել էր ամեն մեկին: Ոչ մեկին չէր կորցրել, ավելին՝ աշխատել էր դրսևորել իր բարի կամքը: Արձագանքը լինելու էր, այն է՝ սերը սեր բերելու էր: Եւ քանի որ խոսքը, աշխարհական առումով, փարօրինակ, այսինքն՝ աստվածային, սիրուն էր վերաբերելու, աստվածաշնչյան վկայությունը վերհիշելու էի. «...Ինչ-որ մարդ սերմէ, այն էլ կհնձէ. իր մարմնի մէջ սերմողը մարմնիցն ապականութիւն կհնձէ, և հոգու մէջ սերմողը Նոգուցն յաւիտենական կեանք կհնձէ»: Նոգու պտուղներից առաջինը, հարկավ, սերն էր: Սերը ոչ միայն հատուկ էր լինելու աստվածայինին, այլև Աստծո բնություն-էությունն էր: Ահա կենաց այս գիրք-հիշարակացն էլ ինքնին սիրո արտահայտություն էր, սիրո քաղցր պտուղ: Բացի այս, միևնույն պահին վկայելու էր Մկրտիչ Սարգսյան մարդու և գրողի, հոգևոր գավակի և զինվորի հաղթանակը, որի մասին ինքը գուցե և չէր էլ մտածելու: Ասելու էի՝ Մկրտիչ Սարգսյանը կյանքի ճանապարհին նկատել, հարգել, սիրել էր մարդուն, ընդունել հարազատի պես: Իհարկե, միայն այսքանով այս գիրքը չէր արժեւորվելու և

չէր ամբողջանալու: Անշուշտ, գրողը դիպրկելու և գնահատվելու էր կյանքի ու կենսակերպի բոլոր կողմերով: Նազարից միայն մեկը կարողանալու էր բոլորանվեր երեսալայսքան ու այսպես երևելի: Շատ փաղանդավորներ, ցավոք, կամա թե ակամա, իրենք իրենց արարավորել էին ինչ-ինչ հանգամանքներում և ինչ-ինչ պարճառներով: Իսկ ինչ վերաբերելու էր Մկրտիչ Սարգսյանին, խիղճս հանգիստ էր, գրիչս կաշկանդումների առիթ չէր ունենալու:

Ինչպես շարերի, այնպես էլ ինձ համար այս աշխարհի լույսի ու խավարի միջով անցնելու և անխաթար մնալու լավագույն օրինակ էր նա: Ծնված փեղը, որ Ջավախքն էր, ոչ միայն չէր մոռանալու, այլև իր սրբի մեջ շարունակ կրելու էր: Ջավախքի արձակ դաշտի ու նեղ ձորի ծաղիկներն ու աղբյուր-ջրերը ուրիշ էին լինելու նրա համար, ավելի պարզ ասած, թառամել ու ցամաքել չէին ունենալու, բուրելու, կարկաչելու էին շարունակ: Ջավախքից ու նրա ասարանդական ժողովրդից հոգով ու սրտով չհեռանալը կենաց ակունքին կապած լինելու խորհուրդը կրելու էր: Աշխարհը փեսած մարդը խոսելու էր այսպես՝ փափագելով հեռանալ աշխարհ-անապարի կեղծիքից, մարմնի աչքի և ականջի պղծությունից և ամենայն ցանկությունից, որ մարմնական էր: Նեղանալու էր ասարվածայինի թելադրանքով: Անցնելու էր վերին ոլորտներով, դեպի Աստուծո անխաթար աշխարհը փանող ճանապարհով: Ինքն էլ որպես երկրային, գնալու էր երկնայինին մերվելու. «Իմ ծննդավայրում բարձր են լեռները, Աբուլի գլխին ոչ թե հյուր, այլ փանփեր է ձյունը: Խոր են ձորերը, ձորերի ձմեռները գարնան պես են, սարերի գարունները՝ ձմեռան հանգույն: Ինձ համար նա աշխարհի ամենափառք, ամենաջերմ անկյունն է, ուր ապրել եմ ավելի սրտով, քան խելքով: Իմ ծննդավայրն ինձ համար մնացել է մորս սրբի պես ջերմ, փափա գրպանների նման քաղցր ու խորհրդավոր և ընկերներիս պես՝ պարզ ու հասկանալի: Աշխարհում չգիտեմ մի այլ աշխարհ, ուր երկինքն ու երկիրը այդքան կրքոտ գրկախառնված, մերված լինեն իրար: Աստղերը նման են լճին շաղ փված շուշանների...»: Ջավախք ասելիս հայոց լույսի աղբյուր Էրզրումն էլ հետը հասկանալու էինք: Խորն էին Մկրտիչ Սարգսյան մարդու արյան մեջ փառապող հոգու հիշողության արմարները: Չայները հեռվից գալու, գավակի սրբի միջով անցնելու և հասնելու էին մեզ, որպեսզի զանազան կերպերով մենք մեր հերթին փոխանցելու լինեինք գալիք սերունդներին: Նախնյաց ձայները ժառանգությունն էին նրա: Նախնյաց ասելիս նկարի էի ունենալու ազգի նախակարապետներին, սկզբում եղածներին, նրանց, ովքեր ասարվածաշնչյան էին: Այլ կերպ ասած, նա, որպես գավակ, կրելու էր ազգին փրկած ասարվածային բնությունը: Ազգի հավաքական միտքը գործելու էր: Ազգի լույսն ու սրվերը, վերն ու վարը, խորթն ու հարազատը երևալու էին նրանով: Որպես գավակ ու զինվոր, գործիչ ու գրող, նվիրյալ լինելու էր: Ամենը ամենի մեջ, ամեն պարագայում, երևալու էր: Ապրելու էր այնպես, որ նայող-փեսնողը, կամա թե ակամա, ասեր. «Ահա իսկական Մարդը»:

Դառնալու, ձեռքը թափ րալու և ասպարեզից հեռանալու առիթներ ունենալու էր: Առիթ-հանգամանքներին չէր նայելու. իրենը մինչև վերջ համբերելն էր, քանի որ նպատակը վեհ էր: Նայրական գուրգուրանք գրեթե չէր տեսել, ինքը, սակայն, երիտասարդների հանդեպ հայրախնամ էր: Ոչինչ որ ճակատագրով դատապարտված էր, գերդասարանին, երկրին ու ժողովրդին հավատարիմ մնալու էր: Իսկ հավատարմությունը խոնարհաբար ծառայելով և անմնացորդ նվիրվելով դրսևորվելու էր: Շուշան մոր օրորոցային մեղեդի-մաքրություն-սրբությունը որպես հավիտենական ժառանգություն, սրբի մեջ կրելու էր: Իր մորը, իր երեխաներին սիրողը սիրելու էր աշխարհի մայրերին ու երեխաներին: Զավակին բարի շնչով ու բարի խրատով մեծացնողը սերունդներին րալու էր նույն կերպ վարվելու խորհուրդը: Բարությունից խոսելուց առաջ, ինքը բարին գործելու էր: Այն, ինչ րված էր իրեն, ուսումնական ոչ մի հասարակությունում ձեռք չէր բերելու: Իսկ իրեն րվածը Աստուծո շնորհն էր, որ ունայն չէր անցնելու: Գրիչ վերցնելիս դես ու դեն չէր ընկնելու, գրական այս կամ այն իզմին, այն է՝ այս կամ այն ուղղությամբ, չէր հեղտնելու. ազգին ու մարդուն կարեւոր բան ուներ ասելու և ասում էր: Ասում էր ինքը, ասում էին գրական կերպարները: Սերժանտ Կարոյին տեսել էր րակավին Զավախքում գտնվելիս, իր և Կարոյի միջև նմանություն գտել էր, նրա մեջ հայրնաբերել էր նաև զինվորի հավաքական կերպը, մնում էր բերել, մրցնել գրականություն: Կարոն, թեև սերժանտ, պարերագմի թոհորոհի մեջ հայրնված, իր դասական պարության, միամտության և նախասրելոծ բնության մեջ մնալու էր: Կարոն ինքն էր, իր զինվոր տեսակը, ասել է թե՛ Կարոն իր իսկ էության մասն էր:

Թեմաներ փնորրելու չէր, քանի որ աչքի տեսածն ու ականջի լսածը, որպես նյութ, ծառայելու էին: Ասենք, անգամ «Քաջ Նազարը» գրելիս բանը հորինելու խնդիր չէր ունենալու: Ինչո՞ւ: Որովհետև շուրջը շարունակ վխտացել էին «քաջ» նազարները: Մնում էր արտահայտչաձև-միջոցը գտնել, մի բան, որ ժողովրդի շուրթին կենդանի բառ ու բան դարձած էր: Ճիշտ ընկալման շնորհիվ ժողովրդական իմաստությունը, սերնդից սերունդ անցնող խաղ-կատակը, հումոր-հիպերբոլը, մրքի ու մրածողության բանավորի ընդհանրականը պարզ ու շիտակ կերպերով երևալու էին: Կյանքի ողբերգականն արտահայտվելու էր առանց ողբերգական շեշտերի և առանց ծանրացնելու առանց այն էլ ծանր կյանքը: Թեման նոր չէր, նորը Մկրտիչ Մարգարյան գրողի մրքի համարձակությունն էր: Խստապահանջ ու խորագետ Նովիաննես Շիրազն իսկ զարմանալով հիանալու և հիանալով զարմանալու էր. «Մուկուչը տեսնես ոնց է գրել «Քաջ Նազարը», փոփոխության ենթարկելու բան չկա, կատարյալ է»:

Ներաբրքի էր, ժամանակի մեծերը, մասնավորապես սերնդակիցները, Մկրտիչ Մարգարյանին պարզապես Մուկուչ էին կոչելու: Կարծելու էի՝ դա նրա պարզ, հասարակ ու ընկերական լինելուց էր: Ներաբրքի էր նաև, որ նա առանձնապես րաբերություն չէր դնելու վարած պաշտոնների ու սովորական աշխատանքների միջև: Իրենը խոնարհաբար ծառայելն էր և ծառայում էր: Ընմարտության առաջ չէի մեղանչե-

լու, եթե ասելիս լինելի՝ նրա համար, վերաբերմունքի առումով, մարդկային ջերմության առումով, գրեթե միևնույնն էին մեծն ու փոքրը, փաղանդավորն ու շնորհալին, փկարն ու գորավորը: Բայց երբ հանդիպելու էր մեծ շնչի գործի, լույսաշխարհի բերելու միջոցը գտնելու էր: Իր հեղինակության, հոգևոր իշխանության, պաշտոնի ընձեռած հնարավորության գիտակցությունն ունենալով, օրինակ, Պարույր Սեւակի «**Եղիցի լույս**»-ը խմբագրելու, փայտաբան ուղարկելու և փայագրել փայտ էր ինքը: Պեղական մեքենան գիրքը կալանքի փակ դնելու էր: Մի բան էր, սակայն, անփափաք գործը փայագրելը, բոլորովին այլ բան՝ փայագրվածը պաշտպանելն ու ժողովրդին հասցնելը: Այսպիսի արդեն Մկրտիչ Սարգսյանը մենակ չէր: Գիրքը, որ լույս էր փնտել, ժողովրդին հասցնելու համար նրա հետ միանալու և համառոտն մարտնչելու էր մրավորականության մի ողջ բանակ: Ի պաշտպանություն «**Եղիցի լույս**» գրքի, բանավոր և գրավոր խոսքեր հնչելու էին: Մկրտիչ Սարգսյանը մինչև վերջ մնալով սկզբունքին հավատարիմ, գրում և փայագրում է «**Լույսի կալանումը**» խորհրդավոր ու խոցող վերնագիրը կրող հոդվածը: Գրքի ազատ արձակման գործում կարևոր էր Նայասրանի կոմկուսի կենտրոնի գաղափարական գծով քարտուղարի վերաբերմունքը: Նարեկ Խանումյանը մեջբերել Գևորգ Արշակյանի վկայությունը. «**Դուք կարող եք մեզ հեռացնել կուսակցությունից, աշխատանքից, բայց ձեր «կառուցած» ժայռը ձեզ վրա փուլ է գալու,- ասաց Մկրտիչը և վիրավոր ձեռքը փարավ դնալի քարտուղարի մոտքը: -Ես պատերազմում եմ ապացուցել այս երկրի քաղաքացի լինելը, իսկ դու ձեր քաղաքային հավաքում»**: Թվալու էր, թե ասվածը խիստ էր և անհարիր նրա նման խաղաղաբար մարդուն, սակայն հիմքում դարձյալ գործի բարին էր: Եկել էր պահը, որ իր անձը և իր հեղինակությունը ծառայեցնելու էր **լույսը** կալանքից դուրս բերելուն: Ի դեպ, նրա կոխը երբեք իր անձի հետ կապված չէր, ավելին, երբեք կոխը այս կամ այն անձի դեմ չէր: Կոխը գաղափարական էր, արդարության և անարդարության սահմանագծին էր փնտրել ունենալու:

Երբ Ախալքալակի հայկական միջնակարգ դպրոցում հայոց լեզվի և գրականության ուսուցիչ էր, հավատարիմ էր մնալու մանկավարժի կոչմանը: Իսկ երբ հրապարակիչ էր, այն էլ գլխավոր խմբագիր, գիտակցելու էր, որ իր կոչումը մյուսի, մրավորության չարն ու բարին, հոգու լույսն ու խավարը զանազանելն էր, և զանազանում էր: Երբեք վարքի և պաշտոնի չարաշահման համար դիտողություն իսկ չէր սրանալու: Ինչո՞ւ: Որովհետև շահը երբեք անձնական չէր լինելու: Ամեն պարագային՝ շահը համուն գրի, գրականության և ազգի լուսավոր ապագայի էր: Գիրքեր, որ փայագրելով Քր. Թափալցյանի «**Պարերագմ**» վեպի 4-րդ հատորը, նկատողություն սրանալու էր: 1965 թ. էր, փայագրում է և ՆԿԿ կենտրոնի բյուրոյի խիստ նկատողությունը «**վատարակում**»: Գիրքեր, որ «**Գրական թերթում**» Նրանուր Մաթևոսյանի «**Անիծոր**» պարմվածքին վերաբերող հիացական հոդված փայագրելու համար իրեն անպարիժ չէին թողնելու: Տպագրելու և առանց բողոքի ընդունելու էր նույն Կենտրոնի հերթական նկատողությունը:

Իսկ ինչ վերաբերելու էր Պարույր Սևակի «Եղիցի լույս» գրքին, գիտեր, որ ոչ միայն հանդիմանելու, այլև հասկացնելու էին, որ ինքը դիմում Կար և հեռանալ գլխավոր խմբագրի պաշտոնից: Նույն խոնարհությամբ նույն **Նայակերհրապույտ** աշխատանքի էր անցնելու որպես ավագ խմբագիր: Ճիշտ այդպես, կարևորը գործն էր և ոչ թե պաշտոնը: Պաշտոնը կորցնողը սովորաբար խաղաղությունը կորցնելու էր, պաշտոնի հետ իրենց գլուխն ու կյանքը կորցնողներ էլ էին լինելու: Մինչդեռ Մկրտիչ Սարգսյանի գերագույն նպատակը հոգին չկորցնելն էր: Ազգային արժեքը, հոգևորը, ամեն բանից վեր էր դասելու: Աստուծո փավոր ոչ ծախելու էր և ոչ էլ փոխելու: Անձը կորցնելու գնով էլ հոգին պահելու էր, այն հոգին, որից բխելու էր կյանք-ճշմարիտը: Նարցնելու էին՝ պարերագմի դաշտում մարդու ճակարհին գնդակ արձակել, սպանել՝ ես: Պարասխանելու էր. **«Զինվոր էի, պարտավոր էի կրակել, օդում կրակոց հնչելու էր, ինչ իմանալի՝ դիպչելո՞ւ էր, թե՞ ոչ»:** Նայրնապես գիտենալու էր, որ կոխը մահը խափանելու համար էր և ոչ թե մարդու կյանքը մահվան մատնելու: Պարերագմը դիպելու էր որպես հավիտենական չարիք ընդդեմ մարդկության: Կյանքի բոլոր հանգրվաններում էլ նրա կոխը միտված էր չարը խափանելուն և բարին հաստատելուն: Իսկ գրական դաշտում, որպես հոգևոր զինվոր, կոխը մղելու էր ընդդեմ հոգու խավարի: Ասելու էի վերստին Սևակին չէր պաշտպանելու, անձի խնդիր չէր ունենալու, խնդիրը լույսը աշխարհ բերելն էր: Ինքն էլ, խնդրեմ, լույսի նման լինելու էր: Այս լույսի շնորհիվ մարդիկ նրան փեսանելու էին բարության դաշտում: Կենդանականներն էլ էին այս լույսը փեսանելու: Առաջին դեմքերն իսկ պարկառելու էին, երբեմն նրանով, նրա անձով ու կարծիքով սրուգելու էին իրենց որոշումների ճիշտն ու սխալը: Նավարայու էին, որովհետև իրենք փնտրող չէր, անկողմնակալ էր: Քանի, քանի անգամներ հարցնելու էին. **«Իսկ ի՞նչ կասի գրողը»:** Իսկ ինչ է, ուրիշ գրողներ չկային: Իհարկե, կային: Մկրտիչ Սարգսյանին էին հարցնելու, որովհետև նա ավելին էր, քան գրողը: Վստահելու էին, որովհետև նրա անցած ուղին և բռնած ճանապարհը միանգամայն անբիծ էին փեսանելու:

Բանասերությունը էր հանդես եկել, ժողովածուն կոչելով **«Գեղակ»:** Իսկ գեղակը խորհրդանշելու էր հոգուց ու սրտից բխած խոսք-խորհուրդը: Գեղական անցնելու էր այս աշխարհով, վազելու էր, օդը մաքրելով, ճանապարհին կյանք ու կենդանություն պարգևելով: Գեղակը սկիզբ էր առնելու ազգի հոգու խորքից, անցնելու էր Էրզրումով, Ջավախքով, Նայասարանով և չար ու բարու խառնարան այս աշխարհով: Գեղակը հոսելու էր դեպի հայոց կարոտի ծովը, հավելու, հավերժանալու էր: Իսկ երբ վրա էին հասնելու փորձությունները, փեսանելու, ճաշակելու և գրելու էր **«Կյանքը կրակի տակ»** գիրքը: Իրեն փեսանելու և գրելու էր **«Ճակարագրով դադապարտվածները»:** Իրեն, իր բնույթը զգալու և խոսելու էր **«Բարև, բարի արև»** գրքով: Կանգնելու էր Տիրամոր պարկերի առջև, սրբությանը հաղորդակցվելու և այդ իսկ վերնագրով գիրք գրելու էր: Խորանալու, հասնելու էր **«Գրիգոր Նարեկացի»** պարմավեպին: Ինչ-ինչ մղումով գրելու էր **«Դարավերջի հայը»** վեպը: Իր իսկ կյանքի ճանապարհի խորհուրդն

արտահայտելու էր «Դարձ» դրամատիկական վիպակով: Մինչ այդ ճաշակելու և բացահայտելու էր «**Խաչված քաղաքը**» պատմավեպը: Մայրական մեղեդին թելադրելու էր «Մայրս երգում է նանիկ» բանաստեղծությունների գիրքը: Նկրտ, հեկտ, կրք այլևս ֆիզիկական բացակայելու էր, երբ այլևս ուրքով չէր քայլելու, լույս էր փնտնելու նրա անփայ երկերի ժողովածուն. «**Քայլիր, ինչպես որ մեծին վայել է**»: Այնուհետև, 2011-ին շուրջ իննսուս մարդու մարքով հասունանալու և աշխարհ էր գալու «**Դու անկործան վանք կմնաս**» վկայությունների ժողովածուն: Ինքն այդպես մրաժեղ, խոսել էր, նույնը ասելու, հասարակելու էին իրեն ճանաչողներն էլ. վանքը խորհրդանշելու էր սրբությունը: Իսկ սրբությունն առանց մաքրամաքուր էության ու առանց լույսի ու բարության չէր: Ճշմարտության ճամփով ընթացողը, անկասկած, օրհնվելու էր: Օրհնվելու էր ոչ միայն ինքը, այլև ընդհանրապես, գավակները, սերունդը:

Քանի որ վկայությունների այս գիրքը բարության հոգով էր, բարությունից խոսելու էին: Մի կարևոր հանգամանք էր նշելու էին. բարին առանց ճշմարտության չէր: Բարին գործվելու էր ճշմարտությանը հասնելու, ճշմարտությունը հասարակելու մղումներով: Ահա այստեղից էլ այս գիրքը սկիզբ առնելու էր: Ամեն մեկը հանգիստ խղճով խոսելու-վկայելու էր: Տեսեք, գրող, գործընկեր Պերճ Զեյթունցյանն առանց վարանման բացվելու էր. «**Նա բացառիկ անձնավորություն էր, մաքրամաքուր մարդ, անսահման ազնիվ ու բարի: Կյանքի մեծ դպրոց էր անցել, քայլել մեր խորհուրդի անցյալի դժվարին ճամփաներով ու իր կենսագրությամբ, նաև իր բազմաթիվ գրքերով, ապացուցել, որ երբ մարդը անազապ պայմաններում չի ուզում հոգին ծախել սափանային, կարող է գոնե ներքին ազատություն նվաճել և չաղտոտել իր անունը**»: Այս վկայության հեղինակն արդյո՞ք հորինել-ստեղծելու կարիքն զգալու էր: Իհարկե, ոչ: Նոգու թելադրանքը նման բանի կարիք չէր զգալու: Ուրիշ բան էր, եթե գրական հերոս կերպելիս լինել: Պարզապես պահը եկել էր և խոստովանելու էր, իսկ խոստովանությունը լինելու էր խղճի առաջ, մարդկանց առաջ, Աստծու առաջ: Այս նույն անկեղծությամբ, անմիջականությամբ և պարասխանարվությամբ էին լինելու բոլոր վկայությունները:

Վկայողներից ամեն մեկը առանձնացնելու էր գրողի այս կամ այն հատկանիշը. «**Մկրտիչ Մարգսյանը, երկրորդ պարերազմեն ետք, մանավանդ վերջին տասնամյակին, ինքզինք պարտադրող ամենէն ուժեղ արձակագիրներէն մէկն է Նայաստանի գրականութեան մէջ, մասնաւորաբար իր ոճին առոյգ և պարկերաւոր գնացքով, արտայայտութեան ինքնատիպ կերպով, գիւրերով, անմիջականութեամբ, այլ բոլորէն վեր և ամենէն թանկագին մէկ յարկանիշով- իր անկեղծութեամբ**»: Այս բնութագիրը Անդրանիկ Ծառուկյանին էր՝ նվիրական մակագրությամբ. «**Արակի պէս փաթ, / Նուռի պէս յստակ Մկրտիչին**»: Ծառուկյանը անկեղծություն որ ասում է, վերաբերելու էր ոչ միայն բնավորությանը, այլև հավատին

ու սիրուն, որոնց շնորհիվ չար ժամանակներում էլ նա շարունակելու էր մղել իր բարի պարերագմը:

Մարդու ձեռքով վառած բոլոր խարույկ-կրակները հանգչելու էին ևս սառնության շունչը վերստին իջնելու էր, սակայն կրակը, որ նկատելու էր Անդրանիկ Ծառուկյանը, շարունակելու էր ջերմացնել մարդկանց սրտերը գալիքում էլ: Ինչո՞ւ: Որովհետև մարդու միջոցով, մարդու վառած չէր, ասել է թե՛ Աստված շնորհ էր: Մկրտիչ Սարգսյանն ինքն էլ գործելու էր ոչ թե այնպես, ինչպես ուզելու էր, այլ այնպես, ինչպես վայել էր աստվածային կայծը կրող մարդուն: Ցավով նկատելու էի նաև, աստվածայինը կրողներից ոմանք՝ ընկնելով փորձությունների մեջ, գայթակղվելու և աշխարհի կերպն ընդունելու էին: Նուդան առաքյալ չէ՛ր: Տասներկուսից մեկն էր: Գայթակղվեց, երեսուն արծաթն ավելին համարեց, քան Նիսուս Քրիստոսին աշակերպելը, ավելին համարեց, քան Քրիստոսի կյանքը: Եսավը, օրինակ, մարմնի ցանկությանը հետևելով, իր օրհնություն-օծություն--ավագությունը, որ աստվածային ժառանգություն էլ էր, փոխեց մի աման սպասով: Մարդու կյանքը լցված է նման մոլորություններով, որոնց պարճառած վնասը մեկ այլ բան չէր կարող լինել, եթե ոչ մահ: Մինչդեռ անբիծ ողիմպ մինչև վերջ, մինչև երկրային կյանքի ավարտն ընթացողը ճշմարիտ կյանքի անթառամ պսակին արժանանալու էր: Խնդրեմ, արդյո՞ք վկայությունների այս ժողովածուն, այս գիրք ինչպե՞ս կարող է մի վերին կյանքի անթառամ պսակ չէ՛ր հիշեցնելու: Անկասկած մի վերին բան, մի վերին խորհուրդ նրա երկրային կյանքում լինելու էր: Աստված օգտագործելու էր իր շնորհը գոհությամբ կրող, շնորհի արժեքն իմացող, պահող և գործի դնող ամեն մարդու: Այս աշխարհը կանգուն մնալու էր այնքանով, որքանով նրանում գործելու էին Աստված մարդիկ: Իսկ Աստված մարդ լինելու համար արարածը բաներ հարկավոր չէին, բավական էր հավատարիմ մնալ կոչմանը և աստվածային բնությանը: Գրողին, օրինակ, բավական էր բարին խոսելուն և գրելուն գուցահեռ բարության կյանքն ապրել և բարին գործել: Նկարի ունենալով փարիսեցիներին և օրենքի ուսուցիչներին, Նիսուս Քրիստոսն ասելու էր՝ լսեցե՞ք ու արե՞ք նրանց ասածները, բայց գործերին մի՛ հետևեք:

Այսպես, այս գրքում, ուրեմն, իր ողջ հասակով մեր առջև կանգնելու էր ոչ միայն գրող, այլև իր խոսքին հետևող Մկրտիչ Սարգսյանը: Նրա վարքն ու գործը, սերն ու բարությունը քննելու և Աստծուն գոհություն հայտնելու էին: Նա ինքն էլ ապրած և չապրած կյանքը քննելիս, դեռևս այս անկայուն աշխարհի վրա գրավելիս, իր իսկ ձեռքը բռնելու և ինքն իրեն հորդորելու էր. «...**Որ թեկուզեւ ծեր, բայց չես հնացել, Եւ ծանր օրերին մնացել ես մարդ»**: Այս այն Մարդ երանելին էր, Մարդ մեծարառովը, որի մասին Նովիանուսն Թումանյանը խոսելու էր. «**Եւ հեռու է մինչեւ Մարդը իր ճամփան**»: Նիսուսը, որքան ճամփա պիտի անցներ մարդ-մարմնավորը, մարդ-հոգեւորին հասնելու համար: Ուրեմն, ինչպես որ ընդամենը գրող լինելը մի բան չէր, այնպես էլ ընդամենը մարդ: Վերին շնորհը, վերինի ձգտումը, նվիրում-գոհաբերումը, անձը չխնայելը, բաժանել-բաշխելը անհրաժեշտ էր:

**Ինչ որ ունեիր դու փոխի մարդուն,
Ե՛ւ երգեր ու սեր, եւ՛ սիրտ ու ավյուն,
Քո խոսքը եղավ թթվածնի պայթյուն,
Եւ կյանքդ՝ լուսն լիարժեք այրում...**

Ուշագրավ էր ու նաև ցանկալի. Մկրտիչ Սարգսյանն ինքը էջից էջ մեզ ուղեկցելու էր շարունակ, այսինքն՝ նրանից մեջբերումներ լինելու էին ևս նրանով մեր միջի բարությունը հորդելու էր: Նա ինքն իր մեջ, ինքն իր հետ խոսածը խոսելու էր ամենքի հետ:

**Ուզում եմ լինես նման աղբյուրի,
Քո գովությունից թող քեզ ճանաչեն,
Սիրով սպառվես ծարավ շուրթերին,
Ինքդ քեզանից երբեք չամաչես:**

Մտածելու էր մարդը, բայց միտքը գալու էր Աստուծո խոսքից. **«Ծառը՝ պտղով, մարդը գործով կճանաչվի»:** Մտքի այս աղբյուրն իսկ ակունքով աստվածաշնչյան լինելու էր, այսինքն՝ բխելու էր ներսի մարդու բնությունից. **«Քո գովությունից թող քեզ ճանաչեն»:** Ծարավին ջուր փանելը, ծարավ շուրթին ջուր լինելը, ինչ խոսք, աստվածահաճո էր, աստվածը նմա: Աստուծո փվածն ավելին էր լինելու, քան մարդու փված գնահատական-կոչումները. **«Բարի էր անսահման, ու բարությանը, մարդասիրությանը էին ցողված նրա երգերը»:** Բնութագրողը Մեսակ Արզումանյանն էր, որ խոսքի ընթացքում գալու, հայտնվելու էր նույն փեղում, նույն մտքի մեջ. **«Բարու եւ մարդկայինի նվիրյալներից էր Մկրտիչ Սարգսյանը, մեր պայծառ Մուկուչը, ու որքա՛ն փեղին է հիշել»:** **«Ա՛խ, երանի ով մարդ կգա ու մարդ կերթա անարատ»:** Արդյո՞ք սա միայն հուշ-հիշողություն էր, թե՛ արդարության, բարության ու մաքրության մթնոլորտում հայտնվելու փափագ: Բարին հիշատակելը, սրտի մեջ փարփներով կրելը նշան չէ՞ր բարությանը հետևելու:

Գրականությունն ի՞նչ էր: Նախ՝ հոգեւոր սնունդ, ապա՝ կենսակերպ, հայացք դեպի աշխարհն ու մարդը: Միաժամանակ հոգու ճանապարհ չէ՞ր, մարդուն մի փեղից մեկ այլ փեղ փանելու միջոց չէ՞ր: Գրականությունը, հիքավի, մեկ այլ բան չէր, եթե ոչ հոգու ընթացք դեպի վերինը, դեպի աստվածայինը: Իսկ աստվածայինը վկայելու էր Աստծուն: Ամեն բան սկսվելու էր ծնունդից, ծննդավայրից, ու՝ մանկությունից: Ինչ էլ որ լիներ, մարդը վերստին փեսնելու և վերապրելու էր այն, ինչ փեսել-զգացել էր մանուկ ժամանակ: Ամեն ոք վերադարձի փափագն ունենալու էր: Ակունք-արմատով մաքուրը մաքուր էլ մնալու էր.

**Այնպեղ սրբի պես սարերը բաց են,
Եւ սրբի նման աղբյուրները պարզ,
Ծաղիկներն այնպեղ շաղերով թաց են,
Երկինքը կապույտ, երկինքը երազ...**

Մաքուր մնալը մի բան էր, մեկ այլ բան՝ մաքրությանը մարդկանց հաղորդակից դարձնելը: Այս առումով ուշագրավ էր Սերո Խանգադյանի վկայությունը. «Նրանով առնչվում եմ մեր հայոց Զավախքի ժողովրդական հոգեբանությանը, որ ազնիվ ու անարար է մնացել դարերի ահեղ փորձությունների մեջ: Մկրտիչով ես ճանաչեցի Կարին-Էրզրում կորած աշխարհի հայ հոգին, նրա երազանքը (միշտ պայծառ) եւ չմթագնող հույսը»:

Քանի որ ինձ էլ բախար էր վիճակվել ոչ միայն առնչվելու, այլև ճամփորդելու նրա հետ, վկայելու էի. Մկրտիչ Սարգսյանն իր անմիջականությամբ, անկեղծությամբ, առանձնակի սիրով ու հավարտով հայրենակիցներին եւ օրարներին ճանաչել էր րալու հայ գրողին ու հայ մարդուն: Մասնավորապես Վրաստանում րեղի ունեցող միջոցառումներին ներկա գտնվելուց բացի, ազգային, հասարակական եւ, ինչու չէ, պերականկուսակցական իր գործը կատարելու էր: Նրա մասնակցությունը միջոցառման մթնոլորտը փոխելու էր: Գրելը ոչ թե սոսկ մասնագիտություն էր, այլև ապրելու կերպ էր, կյանք էր: Օրարներն ուզեին, թե չուզեին, նկատելու էին, որ իրենց առջեւ կանգնածը չարից հեռացած մարդ էր: **Անխառն արյուն կրող վրացին, հանձին Մկրտիչ Սարգսյանի, րեսնելու էր իրեն իր իսկ աչքով նայող հային:** Պահը ծանրացնող չէր: Նույնով լինեք, թե հավարի խոսքով, իր ներքին ազատությանը շրջապարին հաղորդակից դարձնելու էր: Ինչպես որ նրա գայությունը մեջ բարություն, այնպես էլ կարակով ասված խոսքի մեջ վերին մի խորհուրդ լինելու էր: Նրա հետ սեղան նստելն իսկ ցանկալի էր, քանի որ սիրո միաբանությամբ պահելու էր սեղանի եւ հացի սրբությունը: Ինչպես ասելու էին, հացի պես համով ու արդար մարդ էր: Աստվածաշնչյան լեզվով ասած, այս գիրք մնացորդացն էլ որ կար, մեր իսկ հոգիները մխիթարելու մղումով ծնվելու էր: Մարդն իր բոլոր օրերին իրեն բարի աչքով նայողին կարոտով փնտրելու էր: Սիրող-կարեկցողը շարունակելու էր սիրել այս աշխարհից անդին էլ. չէ՞ որ կյանքը հոգին էր եւ ոչ մարմինը:

Վերստին դառնամ վկայություններին: Ահավասիկ, Անահիտ Սահինյանի խոսքը բնութագիրը. «...Սրբակից, ցավակից ամեն մեկիս առանձին-առանձին եւ բոլորիս միասին: ...Նրա պաշտոնն ու դիրքը գրականության ընդհանուր շահի, նաեւ գրողներից յուրաքանչյուրի համար էին, մեզնից ով հայտնվեք փորձանքի մեջ, նրա օգնության կարիքը կունենար: Ահա այս կերպ էր մրած պաշտոնյա Մկրտիչ Սարգսյանն իր ժամանակակից, իր ընկեր-գրողներից յուրաքանչյուրի կենսագրության մեջ»: Անահիտ Սահինյանի ասածը կարծես վերաբերելիս լինեք այս ժողովածուին էլ:

Վախթանգ Անանյանի խոսքը մեկ այլ բնույթի խոստովանություն էր. «Սրբունս

մի մեծ բողոք կար ուղղված 37-ի դեպքերի դեմ եւ մեր հերոս գերիների նկատմամբ հակամարդկային վարմունք ցույց տալու դեմ: Միրոս արյունոտված էր, սիրոս լիքն էր, բայց դադարեցել չէի կարող, գրիչս անգոր էր: Դու արել ես էդ բանը եւ այն էլ ի՛նչ ուժով, ի՛նչ ցասումով...

Նիմի սիրոս հանգիստ է:

Է՛հ, ո՞ր մեկն ասեմ, Մկրտիչ ջան, Էնքան իմացիր, որ դարձար հարագադ, մտերիմ, սիրելի, շատ սիրելի: Էս ինչ լավ հոգի ունես...»: Այս վերջին արտահայտությունը կարծես հառաչանք էր, որ մարդն արձակելու էր բանը հայտնագործելիս: Ըշմարտության եւ սրբության ճառագայթը կրող այս հոգին էլ, հիրավի, ընկածին՝ բարձրացնելու եւ փկարին գորացնելու էր:

Այն որ Մկրտիչ Սարգսյանինը հոգու աշխարանք էր, վկայելու էին շարերը. «Գիրքն ավարտելուց հետո քեզ կարող է թվալ, թե դու ձեռքումդ բռնել ես երաժշտական մի արկղիկ, որտեղից ծորում են հոգեհույզ նվագներ: Բնությունը Մկրտիչ Սարգսյանի մոտ կենդանանում է փեսանելիության աստիճանի, դառնում է շոշափելի եւ մարմնական, բայց մի ինչ-որ հոգեկան մարմնականությամբ: Ո՞ւմ նման է նկարագրում բնությունը: Ի՞ր նման: Դիպուկ ու գեղեցիկ»: Այս բնութագիրը ժամանակին փվել էր Մկրտիչ Արմենը: Մյուսների նման նա էլ լսել էր Նոգու թելադրանքը եւ նույնությամբ, առանց ավելացնելու եւ պակասեցնելու, գրել:

Ասացի՝ հոգու աշխարանք էր նրանը, իսկ հոգին չափ ու սահման չէր ճանաչելու: Վերջին հային էլ նա պարկերելու-պարկերացնելու էր այնպիսին, ինչպիսին ի սկզբանե եղել էր, այսինքն՝ բնությամբ աստվածաշնչյան. «Նստել էր պարզամբում եւ նայում էր ծիրանի եւ նշի ծառերին: Գարուն էր, ապրիլ: Վեց փասնյակ փարուց ավելի կյանք էր ապրել, բայց թվում էր, թե աշխարհը հայտնագործում էր առաջին անգամ: Եւ սպիտակ, նորահարսի նմանվող ծառերը եւ Երեւանի արարչագործ արեւի արբեցնող զգվանքը եւ գարնան թուլացնող ջերմությունը եւ ոչ հեռվում վրաններ հիշեցնող Արարափի գագաթները, որ լողում էին գարնան թափանցիկ կապույտի մեջ, եւ թվում էին անիրական, ասես Աստվածաշնչից պոկված պարկերներ»: Աստվածաշնչյան միտք-մտածողությունը նրա գրական էջերում այնպես խոր ու միաձույլ դրված է, ինչպես, ասենք, բուրմունքը ծաղկաթերթերում. «Արամագող սերում էր մի ընտանիքից, որն ապրել էր մեռնելու-հառնելու եւ՝ գարնանները, եւ՝ հարությունը»: Խնդրեմ, քրիստոնյա հային փեսնելու էինք Նիսուս Բրիստոսի էությունը կրելիս: Իսկ որպես կուսակցական գործիչ նկատվելու եւ ասելու էր, որ կոմունիզմի սկզբունքները ծնվել էին Աստվածաշնչից: Ասելու եւ միաժամանակ ցավով զանազանելու էր թղթի վրա եղածը եւ իրականությունը. «...Փաստը մնում է փաստ, լենինյան «հանճարը» երկնել էր օրապակաս մի տրեւության մոդել,

**որը յորձանաստուն փարի պահպանվեց ոչ առանց արյան ու բռնության: Եւ խոր-
փակվեց»:**

Աշխարհայացքի առումով, նույնն էին լինելու բանաստեղծն ու արձակագիրը, որով-
հետեւ բխումը միևնույն բնությունից էր: Բանը, որ Աստված էր, ոչ միայն ապրելու, այլև
ապրեցնելու էր: Ով նայել էր Արարարին, խորհելու, խոսելու, երբեմն էլ երգելու էր: Նա
էլ իր խոսքն ասելու էր.

**Այս աշխարհում լեռները շա՛ր, հազար երկինք փլած լեռներ,
Բայց Աստծո օրհնությանը արժանացած լեռն ուրի՛շ է...**

Օրհնությունը փեսնողը գինվելու էր նաև հավատով.

**Եւ մեր սիրուն ու կարոտին դու ընդառաջ կգաս, գիտեմ,
Էլ չե՛ն ասի, էլ չե՛ն ասի՝ Արարարի փերն ուրի՛շ է:**

Նավապը հենց այնպես չէր լինելու, կասկած չունեմ, նրա հավաքը նույնպես օրհ-
նությամբ էր: Այս ժողովածուն էլ օրհնությամբ ծնված էի համարելու: Այս առումով, փե-
սեր, թե որքան փեղին ու դիպուկ էր Արշակ Մաղոյանի խոսք-վկայությունը. «Ազնիվ,
շիտակ գրող եւ քաղաքացի էր Մկրտիչ Սարգսյանը: Իսկ արդարների հիշա-
փակը, ինչպես ասում են, օրհնությամբ է լինում: Սա այդ դեպքն է»:

Ժողովածուին վերաբերող հանգամանալից խոսք ասելու ցանկությունը պարտադ-
րելու էր ինձ նորից ու նորից հետևել կարծիքների հանդարտ ընթացքին: Վերանայելու
էի նաև գրողի արձակ ու չափածո գործերի նմուշները, որ փեղ էին գրել բարի վկա-
յությունների այս գրքում: Ուզեի թե չուզեի, խոստովանելու էի, որ մեր միջի ընտրյալը
կարծես ջուր խմած լիներ մեր սրտերից, կարծես մեր իսկ սրտով ու մեր իսկ շուրթերով
մեզ հետ խոսելիս լիներ.

**Բա՛վ է լոգունգ ուրես դու փոխարեն հացի,
Եւ ծիծաղես, խնդաս դու փոխարեն լացի,
Եւ խավարը պաշտես ինչպես լուսարացի,
Եթե պետք է, խաչվիր Քրիստոսի նման...**

Ոչ թե սոսկ անվամբ, այլ էությամբ քրիստոնյա մարդուն վայել կյանքը վերագրեն-
լու ամենքիս բաղձանքն արարահայրող այս փողերը ծնունդ էին ատել երկրի փուլգումից
առաջ, դեռևս 1980 թվականին: Նոգին անխաթար պահածը իրականությունը փեսնելու
և աշխարհի ու մարդու համար ցավելու էր, մի բան, որ նշան էր գոջման, խոստովանանքի
և ապաշխարության: Այսփեղ արդեն անցած ճամփին նայելու էր. «**Եւ դու ապրեցիր,
ապրելն հեշտ չեղավ**»: Միևնույն անձի մեջ ապրող հոգեւորը փեսնելու և քաջալերե-

լու էր մարմնավորին, երկուսով մի էին լինելու, այսինքն՝ հաշտ, քրիստոնեաբար հաշտ. **«Քնդ դավողի հեղ նստեցիր սեղան»:** Եւ այնքանով, որքանով ինքնախոստովանություն էր սա, չարության ու կեղծիքի նշույլ իսկ չէր ունենալու: Դառնանալու ամիսներ լինելու էին իր կյանքի բոլոր կայան-հանգրվաններում, սակայն հույսի, հավարի, սիրո ճամփից չէր շեղվելու: Մինչև վերջ իր կոչմանը, իր բնությանը հավաքարիմ մնալու էր՝ ինքն իրեն հորդորելով. **«Անչար սրտով քուր կյանքին հրաժեշտ»:** Այնուհետև բաղձալու էր երկնայինը. **«Իմ մանկության խաղընկեր արծաթ գեպին եմ կարող, /Երագներիս երկնային արահեպին եմ կարող»:** Ինչ ասել կուզե, հոգևորը հոգու ճանապարհը փնտրելու էր: Սերունդներին մի վերջին խրատ-խորհուրդ տալու էր. **«Նոգին պահեցեք առողջ ու ազնիվ»:** Ինքը կյանքում այդպես վարվելու էր, այն է՝ հոգու ազնվությունը չէր կորցնելու: Նայարսպես իմանալու էր նաեւ, թե ինչի համար. **«Որ ինչ էլ լինի, մրրիկ թե քամի, / Մարդկային խոսքը Աստծուն հասնի»:** Խոսք որ ասելու էր, կարծելու եմ, աղոթք էինք հասկանալու:

Զգիլում էլ թե այսքան բարի վկայություններից ո՞ր մեկը մեջբերեմ եւ որը՝ թողնեմ: Ռաֆայել Նամբարյանն, օրինակ, չուզեի էլ, խոսելու էր. **«Դառնամ ու նույնն ասեմ, նրա չորս դին, ասես, ուշադիր ու համբերաբար հրեշտակներ էին սավառնում, որ հուշեն նրան անցողիկից անցնել դեպի մնայունը, կապարել մարդկային եւ գրական արարքներ, որոնք մայր հողին եւ հիշողության մեջ բարի հեղք են թողնում»:** Ահավասիկ բարին հասարակած այս ժողովածուն նույնպես բարության հեղքեր թողնելու էր: Քննելով նրա կյանքն ու գործը, պարզելով նաեւ այս վկայությունների խորհուրդը, Մկրտիչ Մարգարյան մարդու եւ գրողի մեջ տեսնելու էինք խոսքի աստվածայինը. **«Մերը գեղեցիկ ապրելու իրավունքն է: Այս գիտակցությունը մեզ պիտի մղի առաջ»:** Առաջ, միայն առաջ, բայց ոչ թե հին տիկերի մեջ նոր գինի լցնելով, այլ տիկերը նորոգելով: Սկզբունքը հստակ էր, կայանից կայան, բարձունքից բարձունք փանդող, շարունակվող. **«Նորոգիր քո ճամփան, նորից առաջ գնա»:** Այս առաջ գնալը բոլորովին էլ անցյալը մոռանալ չէր նշանակելու, քանի որ անցյալի, ներկայի եւ ապագայի միջև սահմաններ չէր դնելու՝ ժամանակները տեսնելով մեկ միասնական ամբողջի մեջ: **«Մերը գեղեցիկ ապրելու իրավունքն է»:** Գեղեցիկի խորհուրդը հստակ դարձնելուց հետո, ասելու ես՝ խոսքը միեւնույն հնչողությունն ու իմաստն ունենալու է բոլոր ժամանակներում: Անչար հոգով այս կյանք-վաղանցուկին հրաժեշտ տալու փափագ ունեցողը ոչ միայն առօրյայում ապրելու էր չարից ու չար գործից հեռու, այլև գրիչ վերցնելիս ձգարելու էր հոգիների մեջ սերմանել պողպատ: Այդպիսով սերունդներին տալու էր անօրինությունը արելու եւ արդարությունը սիրելու օրինակը՝ որպես հավիտենական ժառանգություն: Մեջբերելու էի Մկրտիչ Մարգարյանի բանավոր խոսքը՝ ըստ Կլարա Թերզյանի վկայության. **«Գրողը չարացած, ջղայնացած ժամանակ իրավունք չունի գրելու. նա պիտի գրիչը վայր դնի: Օրինակ, հեղափոխության է. իմ մի ձեռքը բոլորովին չի աշխատում, ես գրիչը վերցնում եմ ձախ ձեռ-**

քով, բայց եթե զայրացած եմ, ձախ ձեռքս սկսում է ինձ հեղկել, պարզապես չի ուզում ենթարկվել, դողում է: Ես գրիչը դնում եմ մի կողմ, մինչև հանգստանում է իմ եփվող արյունը և նոր միայն մոտենում գրասեղանին, և այն ժամանակ գրիչը հնազանդ է դառնում, ևս էլ հյու-հնազանդ նրա հեղուկից գնում եմ: Այսպես է աշխարհը. գրողը պետք է այս մասին մտածի՝ չարացած գրողը լավ բան չի գրի»: Ի դեպ, ըստ Ասպրո խոսքի, չարից հեռանալը հանճար է:

Գրքում Կրեյ զգրած նյութերի դասավորությունը բնականոն ընթացքով էր, նախ գրչակից-սերնդակից ընկերներն էին հանդես գալու, ապա Ջավախք աշխարհի մարդիկ, այնուհետև՝ գրողների համեմատաբար երիտասարդ սերունդները: Խոսքի, մտքի, սիրտ և երախտագիտության երանգները, բնականաբար, փարաբնույթ լինելու էին: Եթե մեկը խոսելու էր ընկերոջ իրավունքով, ապա մյուսը որպես երիտասարդ, ակնածելու և գոհություն հայտնելու էր թե՛ խրատների և թե՛ իր նկատմամբ ունեցած սրբացավության համար: Բոլորը միասին կերպելու էին Մկրտիչ Սարգսյան մարդու, գրողի, գործչի ու մտածողի դիմանկարը: Գործին, անշուշտ, նպաստելու էին փարբեր փարինների լուսանկարները՝ մեծերի, փառանդավորների և շնորհալիների հետ: Գրեթե զրքի բոլոր էջերին գուգահեռաբար երևալու էր Մկրտիչ Սարգսյանն ինքը՝ բանաստեղծությամբ, արձակով և բանավոր խոսք-խոսակցությամբ: Եւ սա կարեւոր էր, քանի որ ժողովածուի սրեղծման գերագույն նպատակը բարի մարդուն փարբեր առիթներով լսելը, էությանը հաղորդակցվելը և ներկայության մեջ հայտնվելն էր: Գրքի սրեղծման միտքը, ասեմ վերաբերել, պարկեշտ մարդու և գրողի օրինավոր վարքի օրինակը սերունդներին թողնելն էր: Նազար փարի հետք էլ սերունդները նայելու և փեսնելու էին, թե ովքեր էին եղել իրենց նախնիք, ինչպիսի վարք և փոխհարաբերություն էին ունեցել և ինչ ու ինչպես էին խոսել միմյանց հետ: Սերունդները գալու և գրողի հավիտենական ցավի մեջ հայտնվելու էին:

Մի փափո՛ւկ- փափուկ փխրություն մնաց

Մեր թուխ հերկերի, արտերի վրա,

Երբ որ գութանը թանգարան գնաց

Եւ հորովելը համերգասրահ...

Իհարկե, այս **գութանը** խորհրդանշական էր, խոսքը վերաբերելու էր նախնիների առաքինությանը, նրանց սրբի գութին: Իսկ **հորովելը** մարդու հոգու մեջ եղած, հոգուց բխող աստվածային սրբությունն էր, որ գնալով, ցավոք, ժամանակի բարբերի լեզվով ասած, վերածվելու էր շոուի: Նույնն էր, թե ասելիս լինեք. «Սրբությունը մի փվեք շներին և մարգարիտները շաղ մի փվեք խոզերի առաջ, որպեսզի ուրբերով չփրորեն և չդառնան ու ձեզ չհոշտարեն»:

Ինչպես Մկրտիչ Սարգսյան մարդու և գրողի կյանքն ու կենսագրությունը, այնպես էլ հիշարակաց այս ժողովածուն չէր սմբողջանալու առանց ընտանեկան մթնոլոր-

տի: Ինչպես բարին սերմանող խոսքը և բարին գործելու մղումը, այնպես էլ, թող թույլ տրվի ասել, ընտանեկան բարոյականությունը, միասնաբար, բխելու էին նույն աստվածային բնությունից: Ընտանիքն ինքնին Աստծո մարքի արտահայտություն էր, հիմքում հնազանդությունը և սերը միմյանց հանդեպ: Անշուշտ, երեխաների համար մեծագույն ժառանգությունը հոր և մոր հարաբերություններն էին: Աստված, ի թիվս այլ շնորհների, Մկրտիչ Սարգսյանին նվիրել էր Ելենա անվամբ, որ նույն Նկլենն է, հրաշալի կին, հրաշալի մայր և հրաշալի վարքի տեր անձնավորություն: Վկայելու էի աստվածաշնչյան ճշմարտությունը. **«Տունը և սրացուածքը ժառանգութիւն է հայրերից, բայց իմաստուն կիներ Տէրիցն է»:** Տիրոջ տվածը օրհնված լինելու էր: Օրհնությունը ծնողից անցնելու էր գավակներին:

Ելենա-Նկլենը, լինելով ազգությամբ հույն, հայտնվելով հայ ընտանիքում, պարկեշտ կին ու մայր լինելը, հավատի, սիրո և աստվածային բնության մեջ մնալը վեր էր դասելու ազգային այս կամ այն պարկանելությունից: Եկեղեցում պսակվելիս հարցրել էին՝ հնազանդ ես: Պատասխանել էր՝ այո, հնազանդ եմ: Գիտեր, որ հնազանդությունը ոչ միայն իր ամուսնու, այլև Աստծո առաջ էր: Գիտեր, որ պարկեշտ կին և մայր լինելը վեհ ու վերին կոչում էր: Այս գիտակցությամբ էլ ապրելու էր ընտանեկան կյանքը՝ միևնույն սիրով տանելով նաև ամուսնու հիվանդության հետ կապված «նեղությունները»: Բառը չակերտի մեջ էի առնելու, որովհետև տիկին Ելենայի համար նեղությունները նույնպես թաղը էին լինելու: Ասածներին գրավոր հավաստիքը նրա վկայության խոսքն է, որ կրելու էր «Իմ Մկրտիչը» դիպուկ ու պարզ վերնագիրը: Ինչպես թե նա իր խոսքով հաստատելիս լինեք ժողովածուի մյուս բոլոր վկայությունները. **«Մկրտիչը բարի մարդ էր, նա սովորություն ուներ նույնիսկ իրեն վարություն անողին լավություն անելու»:** Երբեմն խոսելու էր այնպես, ինչպես թե ինքն իրենից խոսելիս լինեք. հիրավի, երկուսով մի էին: Մի էին, միասնական ոչ միայն ամուսնական, մարմնական առումով, այլև հոգիների հաղորդակցությամբ: Այսպես ապրել էին այս աշխարհում, այս աշխարհից անդին էլ այդպիսին մնալու էին: Զավակներն էլ, անկասկած, ընտանեկան այս ջերմ մթնոլորտում մարմնով ու հոգով աճելու, հասակ առնելու, դաստիարակվելու էին: Այլ կերպ ասած, գավակներն էլ լինելու էին այնպիսին, ինչպիսին ծնողներն էին: Այսպես նկատելու էի մի նրբություն. գավակների դաստիարակությունը սկսվելու էր դեռևս աշխարհ չեկած, չծնված, այսինքն՝ իրենց մոր որովայնում գտնվելիս: Պարզեմ միտքս. գավակները սովելու էին իրենց մոր սրացած թե՛ մարմնական և թե՛ հոգեւոր սնունդներով: Ընտանեկան խաղաղությանը, սիրուն ու բարոյականությանը հաղորդակից դառնալու էին դեռևս աշխարհ չմտած:

Եթե մայրը վկայությունը վերնագրելու էր «Իմ Մկրտիչը», ապա դուստրը՝ Նաիրան, նույն սկզբունքով, իր խոսքին տալու էր «Նայրս» մտերմիկ խորագիրը: Սերը խոսեցնելու էր: Նոր տված արդար և միակ ապրակն իսկ կարտով վերհիշելու էր: Նիրավի, հայրական այս կարգի խրատ-ապրակն էր, որ Զիվանու տրտում երգ դառնալու

և այնուհետև շուրթին հնչելու էր. **«Ապտակով սնած փղան առանց աստիճան չի լինի»:** Փառք Աստծո, նրանք, որ ընդունել, սիրել էին իրենց հորը, սիրո և հարգանքի արժանանալու էին:

Քանի որ հայրը անկեղծորեն բացվել, իրեն և իր էությունը ցույց էր տվել զավակներին, զավակների համար իրենց հոր խոսքը հնչելու էր որպես կանոն, որպես ճշմարտություն: Նոր խոսքը օրենքի ուժ ունենալու էր: Դավիթը, որ ավագ որդին էր, շարունակելով լսել և կատարել հոր ասածները, վկայության խոսքին տրալու էր ճշգրիտ վերնագիր. **«Նայրս ասում էր...»:** Որդին փեսանելու էր կյանքի այն հիմքը, որ հայրը դնելու էր, այն է՝ հորից սովորելու էր ապրելու և գործելու կերպը: Ըստ Աստվածաշնչի, ծննդյան հիմքում հայրն էր: Օրհնությունը հորից էր, խրատի հավիտենականը՝ հորից: Դավիթն էլ խոսելու էր այն, ինչ լսել ու փեսել էր. **«Երբեմն-երբեմն հայրս մեր փան պատշգամբից հայացքը հատում էր Արարադ լեռանը, կարծես հոր պատկերն էր փնտրում, կարծես հոր կարոփն առնել էր ուզում Բիրիլական սարից: Նորս այդ հայացքը վերափոխիչ դեր խաղաց իմ կյանքում: Նայրս շարունակ խոսում էր իր հորից: Դա ևս բարի օրինակ էր ինձ համար: Խոսում էր, որովհետև ընդհարված բան կար, մանկան կարոփ կար. ընդամենը ինը փարեկան է եղել հայրս, երբ կորցրել է հորը: Ահա թե ինչու էր շարունակ փնտրում հոր պատկերը: Ինձ թվում է, հայրս իր հոր նման մարդ էր: Նոր աչքով նայում էր աշխարհի բոլոր երեխաներին... Նորս գորավոր ուժը Երկրի նկարմամբ, ծնողի նկարմամբ ունեցած աստվածային սիրո մեջ էր ու նաև՝ մանկության մաքրությունը պահելու մեջ: Ամենուր, ամեն ինչում մաքուր մնաց հայրս: Սա ևս կյանքի կարեւոր դաս է ինձ համար»:**

Կրթներ որդին՝ Վահագնը, հոր հիշատակի առջև ունենալու էր մեկ այլ ծառայություն՝ ջանք չխնայելով սույն ժողովածուն կազմելուն և խմբագրելուն: Քանի որ փառքն էր, փառք մնալու էր որպես մխիթարության որդի: Կոչված էր այդպիսին լինելու: Կար ժամանակ, հայրը նրա ձեռքից բռնած փանելու էր գրասանքի: Որքան էլ զարմանալի թվար, դերերը փոխվելու էին: Մարդիկ փեսանելու էին, որ որդին՝ Վահագնը, ինսուլտ կոչվածի հարվածն սրացած հոր հետ ընկերանալով, թեև բռնած, անցնելու էր փողոցով: Ըշմարտության առաջ բնառ մեղանցած չէի լինելու, եթե աստվածաշնչյան մարքով ասելու լինեի՝ հայր և որդի մի էին: Այն, ինչ կատարվում էր, Մկրտիչ Սարգսյան հայրը փեսել էր ժամանակին, փեսել ու գրել էր.

**Անձրև իջներ խաղաղ, բերքիս ընկերանար,
Որդիս հասակ առներ, ձեռքիս ընկերանար...**

Ահավասիկ, որդին հասակ առել և ընկերացել էր ձեռք-վիրավորին: Միայն այսքանը չէր, միայն մասնավորը չէր, գրողի հոգին բացվելու էր դեռևս մեղավոր աշխարհի և դեռևս մեղավոր մարդկության փրկության համար էլ.

**Մերը հրամայող ու փեր լիներ հավեր,
Թող որ սիրվը մարդու միայն սիրուց ցավեր,
Աշխարհում չլիներ ոչ մահ և ոչ ավեր,
Եւ անմահությունը երգիս ընկերանար:**

Նոգևոր դաշտի մշակը գիր-գրականությամբ, վարքով, աշխարհի նկարմամբ ունեցած հայացքով իր դասը վարելու էր որպես դաստիարակ, որպես բարի սերմնացան, իր գործն անելու էր: Այն, ինչ ցանելու էր նա, ժամանակի լցվելուն պես, սերունդները՝ որպես նորօրյա մշակներ, փռնելու էին հունձքի առաքը: Տեսնելու եւ դասեր քաղելու էին: Ահա այս ժողովածուն եւս նորանոր դասեր քաղելու համար էր սրելովելու: Սովորաբար ասում ենք՝ հարկավոր է մարդ մնալ, ունենք նման արտահայտություն: Բայց արի քնես, ընդամենը մարդ լինելով ու մարդ մնալով, կյանքը չէիր վերափոխելու, հեղափոխելով չէիր թողնելու: Պողոս առաքյալը Եբրայեցիներին ուղղված թղթում ասում է. **«Մարդն ի՞նչ է որ դու յիշես նորան»:** Ուրեմն՝ ավելին լինել, քան մարդու մասին ունեցած մեր պարկերացումն էր: Իսկ ավելին լինել, նշանակելու էր վերադառնալ, վերագրել աստվածային բնությունը:

Արդ մրաձելու էի, որքան կարևոր էր մի մարդու ներկայությունը թե՛ մեր, թե՛ հասարակության եւ թե ազգի կյանքում: Որքան բան էր փոխելու բնույթով անեղծը, անխաթարը: Մեկը կարողանալու էր մի ողջ ժողովրդի միաբնակության մեջ հեղափոխություն մտցնել: Ժողովուրդը, որքան էլ խմաստուն լիներ, նորոգման կարիք զգալու էր: Նորոգում ասելիս, անշուշտ, միաբնակության միջոցով, նկատի էի ունենալու սիրտն ու հոգին, հոգևոր արթնությունը: Գրողի գործը մեկ այլ բան չէր լինելու, եթե ոչ մարդուն ճշմարտությունը, շեշտելու էի, աստվածային ճշմարտությունը, հասցնելը: Այս ընդգծումն անելու էի, որովհետեւ ինչպես սուր մարգարեները, այնպես էլ արվեստի սուր ու երեսպաշտ գործիչները հանդես գալու էին: Մարանան, բնականաբար, ջանք չխնայելով, գործելու էր արվեստի բնագավառում հայտնված մարդկանց միջոցով էլ: Արդյունքում մասսան մոլորվելու էր, ակամա կորցնելով արվեստի ու արվեստագետի նկարմամբ ունեցած դասական հավարը: Խնդրեմ, Մկրտիչ Սարգսյանն այնքանով էր մեծ, որքանով կարողանալու էր ոչ միայն կյանքի անբիծ ուղի բռնել, այլև մարքի խորագիտությամբ, երբեմն խաղաղ լուծությամբ, երբեմն էլ հոգու ճիշդ-պոռթկումով, հեղափոխել, խափանել չարի գործը: Եւ դա նա անելու էր աստվածային բարությանը. խավարի դեմ ելնելու էր ոչ թե խավարով, այլ այն լույս-կրակով, որ Աստուծոց էր: Աստված, անկասկած, գործելու էր նրա միջոցով: Ըստ Աստվածաշունչ Սուրբ գրքի, նման մարդիկ պարզական անոթ էին Աստծո ձեռքին:

Վերադառնալու էի, որ լավ ու բարի մարդու կարողից հրամայաբար ծնվելու էր «Դու անկործան վանք կմնաս» գիրք հիշարակացը, որը սերունդների առջև պարզելու էր ճիշտ օգտագործված այն շնորհը, որ Աստուծոց էր: Այսքանը եւ այսպես խորհելու, խոսելու ու իմ ձեռքով գրելու էի, քանի որ հավատով էի:

ՆԱՐՈՒԹՅՈՒՆ ՆՈՎՆԱԹԱՆ